



山川典第一卷

山川總部彙考

書經 舜典

肇十有二州封十有二山濬川

傳

肇始也禹治水之後舜分冀州爲幽州并州分青州爲營州始

置十二州封大也每州之名山殊大者以爲其州之鎮有流川則深之使通利

疏

周禮職方氏每

州皆云其山鎮曰某山揚州會稽荊州衡山豫州華山雍州嶽山冀州霍山并州恆山幽州醬無閭青州沂山兖州岱山是周時九州之內最大之山舜時十有二山事亦然也州內雖有多山取其最高大者以爲其州之鎮特舉其名是殊大之也其有川無大無小皆當深之故云濬川有流川則深之使通利也職方氏每州皆云其川其浸亦舉其州內大川但令小大俱通不復舉其大者故直云濬之而已

禹貢

禹敷土隨山刊木奠高山大川

傳

奠定也高山五岳大川四瀆定其差秩祀禮所視

疏

山之高者

莫高於岳川之大者莫大於瀆故言高山五岳謂嵩岱衡華恆也大川四瀆謂江河淮濟也此舉
高大爲言卑小亦定之矣定其祀禮所視謂王制所云五岳視三公四瀆視諸侯其餘視伯子男
往者洪水潛天山則爲水所包川則水皆汎溢祭祀禮廢今始定之以見水土平復舊制也蔡傳
高山大川以別州境也

冀州既載壺口治梁及岐

傳

壺口在冀州梁岐在雍州從東循山治水而西

疏

此於冀州之分言

及雍州之山者從東循山治水而西故也

蔡傳

壺口山名漢地志在河東郡北屈縣東南今隰州吉

鄉縣也梁岐皆冀州山梁山呂梁山也在今石州離石縣東北爾雅云梁山晉望卽冀州呂梁也

呂不韋曰龍門未闢呂梁未鑿河出孟門之上又春秋梁山崩左氏穀梁皆以爲晉山則亦指呂

梁矣酈道元謂呂梁之石崇疎河流激盪震動天地此禹旣事壺口乃卽治梁也岐山在今汾州

介休縣狐岐之山勝水所出東北流注于汾酈道元云後魏於狐岐置六壁今六壁城在勝水之

側實古河逕之險阨二山水所經治之所以開河道也先儒以爲雍州梁岐者非是

旣修太原至于岳陽

傳

高平曰太原今以爲郡名岳太岳在太原西南山南曰陽

疏

周禮職方氏

冀州其山鎮曰霍山卽此太岳是也

覃懷底績至于衡漳

傳

漳水橫流入河

疏

漳在懷北五百餘里地理志云清漳水出上黨沾縣大

匡谷東北至渤海阜城縣入河過郡五行千六百八十里此沾縣因水爲名志又云沾水出壺關

志又云濁漳水出長子縣東至鄴縣入清漳鄭元亦云橫漳漳水橫流王肅云衡漳二水名

蔡按

桑欽云二漳異源而下流相合同歸於海唐人亦言漳水能獨達于海請以爲濟而不云入河者

蓋禹之導河自洛水大陸至碣石入于海本隨西山下東北去周定王五年河徙碣磔則漸遷而

東漢初漳猶入河其後河徙日東而取漳水益遠至欽時河自大伾而下已非故道而漳自入海

矣故欽與唐人所言者如此

大

孔氏曰漳水橫流入河故曰衡漳曾氏曰河自大伾北流漳水東

流而注之也形東西爲橫南北爲從河北流而漳東注則河從而漳橫矣

厥土惟白壤厥賦惟上上錯厥田惟中中恆衛旣從大陸旣作

疏

地理志云恆水出常山上曲陽

縣東入滹水衛水出常山靈壽縣東北入滹沱大陸在鉅鹿縣北釋地十藪云晉有大陸

蔡傳

曰今之恆水西南流至真定府行唐縣東流入于滋水又南流入于衡水非古逕矣大陸孫炎曰

鉅鹿北廣阿澤河所經也程氏曰鉅鹿去古河絕遠河未嘗逕邢以行鉅鹿之廣阿非是按爾雅高平曰陸大陸云者四無山阜曠然平地蓋禹河自澶相以北皆行西山之麓故班馬王橫皆謂載之高地則古河之在貝冀以及枯澤之南率皆穿西山踵趾以行及其已過信澤之北則西山勢斷曠然四平蓋以此地謂之大陸乃與下文北至大陸者合

島夷皮服夾右碣石入于河濟河惟兗州

傳

東南據濟西北距河

疏

此下八州發首言山川者皆

謂境界所及也據謂跨之距至也

九河既道

疏

釋水載九河之名云徒駭太史馬頰覆釜胡蘇簡潔鉤盤鬲津

蔡傳

按徒駭河地志云

滹沱河實字記云在滄州清池南許商云在平城馬頰河元和志在德州安德平原南東實字記

云在棣州滴河北輿地記云卽篤馬河也覆釜河通典云在德州安德胡蘇河實字記云在滄之

饒安無棣臨津三縣許商云在東光簡潔河輿地記云在臨津鉤盤河實字記云在樂陵東南從

德州平昌來輿地記云在樂陵鬲津河實字記云在樂陵東西北流入饒安許商云在鬲縣輿地

記云在無棣太史河不知所在自漢以來講求九河者甚詳漢世近古止得其三唐人集累世積

傳之語遂得其六歐陽忞輿地記又得其一或新河而載以舊名或一地而互爲兩說要之皆似是而非無所依據至其顯然謬誤者則班固以滹沱爲徒駭而不知滹沱不與古河相涉樂史馬頰乃以漢篤馬河當之鄭氏求之不得又以爲九河齊桓塞其八流以自廣夫曲防齊之所禁塞河宜非桓公之所爲也河水可塞而河道果能盡平乎皆無稽考之言也惟程氏以爲九河之地已淪于海引碣石爲九河之證以謂今滄州之地北與平州接境相去五百餘里禹之九河當在其地後爲海水淪沒故其迹不存方九河未沒於海之時從今海岸東北更五百里平地河播爲九在此五百里中又上文言夾右碣石則九河入海之處有碣石在其西北岸九河水道變遷難於推考而碣石通趾頂皆石不應仆沒今袁冀之地既無此石而平州正南有山而名碣石者尙在海中去岸五百餘里卓立可見則是古河自今以爲海處向北斜行始分爲九其河道已淪入於海明矣漢王橫言昔天常連雨東北風海水溢西南出浸數百里九河之地已爲海水所漸酈道元亦謂九河碣石苞淪于海後世儒者知求九河於平地而不知求碣石有無以爲之證故前後異說竟無歸宿蓋非九河之地而強鑿求之宜其支離而不能得也

大

孔氏曰河分爲九道在

此州界平原以北是新安陳氏曰禹疏九河不過因河之勢自分而疏通之耳非自分之也

雷夏既澤澮沮會同

傳

雷夏澤名澮沮二水會同此澤

疏

地理志云雷澤在濟陰城陽縣西北

蔡傳

澮水曾氏曰爾雅水自河出爲澮許慎云河澮水在宋又曰汧水受陳留浚儀陰溝至蒙爲澮水東入於泗水經汧水出陰溝東至蒙爲沮澮則澮水卽汧水也澮之下流入于睢水沮水地志睢水出沛國芒縣睢水其沮水歟晁氏曰爾雅云自河出爲澮濟出爲濇求之於韻沮有楚音二水河濟之別也二說未詳孰是會者水之合也同者合而一也大王氏炎曰沮出濮陽澮出曹州二水勢均故曰會同陳氏經曰竟略不及山知多平地河患爲甚也

桑土既蠶是降丘宅土厥土黑墳厥草惟繇厥木惟條厥田惟中下厥賦貞作十有三載乃同厥貢漆絲厥篚織文浮于濟潔達于河

傳

順流曰浮濟潔兩水名因水入水曰達

疏

地理志云潔水出

東郡東武陽縣至安樂千乘縣入海過郡三行于二十里其濟則下文具矣

蔡傳

程氏以爲此漢乃

河與潔殊異然亦不能明言潔河所在未詳其地也

海岱惟青州

傳

東北據海西南距岱

蔡傳

岱泰山也在今襲慶府奉符縣西北三十里

嶠夷既略濰淄其道

疏

地理志濰水出琅琊箕屋山北至都昌縣入海過郡三行五百二十里淄

水出泰山萊蕪縣原山東北至千乘博昌縣入海

厥土白墳海濱廣斥厥田惟上下厥賦中上厥貢鹽絺海物惟錯岱畎絲枲鉛松怪石萊夷作牧厥

篚檠絲浮于汶達于濟

疏

地理志云汶水出泰山萊蕪縣原山西南入濟也

海岱及淮惟徐州

傳

東至海北至岱南及淮

淮沂其父蒙羽其藝

疏

地理志云沂水出泰山蓋縣臨樂子山南至下邳入泗過郡五行六百里

淮出桐柏山蒙山在泰山蒙陰縣西南羽山在東海祝其縣南

蔡傳

曾氏曰徐州水以沂名者非一

酈道元謂水出尼丘山西北徑魯之雩門亦謂之沂水水出太公武陽之冠石山亦謂之沂水而

沂水之大則出於泰山也又按徐之水有泗有汶有汴有潮而獨以淮沂言者徐之川莫大於淮

淮父則自泗而下凡爲川者可知矣徐之浸莫大於沂沂父則自沐而下凡爲浸者可知矣

大王

氏炎曰先淮後沂先大而後小也先蒙後羽先高而後下也淮沂父而後蒙羽可藝事之相因也

大野既豬東原底平

傳

大野澤名

疏

地理志云大野澤在山陽鉅野縣北

蔡傳

按水經濟水至乘氏

縣分爲二南爲潯北爲濟酈道元謂一水東南流一水東北流入鉅野澤則大野爲濟之所絕其所聚也大矣何承天曰鉅野廣大南導洙泗北連清濟徐之有濟於是乎見又鄆州中都西南亦有大野陂或皆大野之地也

大

王氏炎曰大野豬而後東原平亦事之相因也

厥土赤埴墳草木漸包厥田惟上中厥賦中中厥貢惟土五色羽畎夏翟嶧陽孤桐

疏地理志云

東海下邳縣西有葛嶧山卽此山也

泗濱浮磬淮夷蠙珠暨魚

疏

淮夷是二水之名淮卽四瀆之淮也夷蓋小水後來涸竭不復有其

處耳地理志泗水出濟陰乘氏縣東南至臨淮睢陵縣入淮行千一百一十里也

蔡傳

泗水名出魯

國卞縣桃墟西北陪尾山源有泉四四泉俱導因以爲名西南過彭城又東南過下邳入淮卞縣今襲慶府泗水縣也淮夷淮之夷也

厥篚元纁縞浮于淮泗達于河淮海惟揚州

傳北據淮南距海

彭蠡既豬陽鳥攸居

傳

彭蠡澤名

註

張勃吳錄云今名洞庭湖案今在九江郡界

蔡傳

彭蠡地志在

豫章郡彭澤縣東合江西江東諸水跨豫章饒州南康軍三州之地所謂鄱陽湖者是也

三江既入震澤底定

傳

震澤吳南大湖名

三江韋昭云取吳松江錢塘江浦陽江也吳地記云

松江東北行七十里得三江口東北入海爲婁江東南入海爲東江并松江爲三江

蔡

蘇氏謂岷

山之江爲中江蟠冢之江爲北江豫章之江爲南江卽導水所謂東爲北江東爲中江者既有中

北二江則豫章之江爲南江可知今按此爲三江若可依據然江漢會於漢陽合流數百里至湖

口而後與豫章江會又合流千餘里而後入海不復可指爲三矣震澤太湖也周職方揚州藪曰

具區地志在吳縣西南五十里今蘇州吳縣也具區之水多震而難定故謂之震澤底定者言底

於定而不震蕩也

大

新安陳氏曰三江不勝異說顏師古以爲中江南江北江郭景純以爲岷江

浙江松江韋昭以爲松江浙江浦陽江王介甫以爲一江自義興一江自毘陵一江自吳縣皆據

所見而言非禹舊迹也皆不必取既入入海也陳氏大猷曰古有九河後合爲一古有滎澤後堙

爲地安知彭蠡之下禹平水時有三江而後或合爲一乎酈道元謂東南地卑萬水所湊觸地據

川故川舊漬難以爲憑禹迹之不可考者多矣凡捨經文而指後世流派之分合水道之通塞地

名之同異以爲說者以論後世之地理則可以論禹迹之舊則難也

篠簜旣數厥草惟天厥木惟喬厥土惟塗泥厥田惟下下厥賦下上錯厥貢惟金三品璫琨篠簜齒革羽毛惟木島夷卉服厥篚織貝厥包橘柚錫貢沿于江海達于淮泗

傳順流而下曰沿

荆及衡陽惟荊州

傳

北據荊山南及衡山之陽

大

曾氏曰有兩荊山此荊州之荊山非雍州荊岐

旣旅之荊山此荊山其南爲荊州其北爲豫州漢志此荊山在南郡今襄陽府臨沮縣衡山在長

沙今潭州湘南縣

江漢朝宗于海九江孔殷

注

九江潯陽地記云一曰烏白江二曰蚌江三曰烏江四曰嘉靡江五

曰畎江六曰源江七曰廩江八曰提江九曰箇江張須元緣江圖云一曰三里江二曰五州江三

曰嘉靡江四曰烏土江五曰白蚌江六曰白烏江七曰箇江八曰沙提江九曰廩江參差隨水長

短或百里或五十里始於鄂陵終於江口會於桑落洲太康地記曰九江劉歆以爲湖漢九水入

彭蠡澤也

蔡傳

九江卽今之洞庭也水經言九江在長沙下雋西北楚地記曰巴陵瀟湘之淵在九

江之間今岳州巴陵縣卽楚之巴陵漢之下雋也洞庭正在其西北則洞庭之爲九江審矣今沅

水漸水元水辰水敘水酉水澧水資水湘水皆合於洞庭意以是名九江也按漢志九江在廬江

郡之尋陽縣尋陽記九江之名一曰烏江二曰蟬江三曰烏白江四曰嘉靡江五曰畎江六曰源江七曰廩江八曰提江九曰箇江今詳漢九江郡之尋陽乃禹貢揚州之境而唐孔氏又以爲九江之名起於近代未足爲據且九江派別取之邪亦必首尾短長大略均布然後可目之爲九然其一水之間當有一洲九江之間沙水相間乃爲十有七道而今尋陽之地將無所容況沙洲出沒其勢不常果可以爲地理之定名乎設使派別爲九則當曰九江旣道不應曰孔殷於導江當曰播九江不應曰過九江反復參考則九江非尋陽明甚本朝胡氏以洞庭爲九江者得之曾氏亦謂導江曰過九江至于東陵東陵今之巴陵今巴陵之上卽洞庭也因九水所合遂名九江故下文導水曰過九江經之例大水合小水謂之過則洞庭之爲九江益以明矣大新安陳氏曰江漢朝宗于海卽繼曰九江孔殷導江不曰播九江而曰過九江則大江自大江九江自九水可見孔氏所謂江於此分爲九道者其非明矣證以導江東至于澧過九江至于東陵則九江當在澧州之下巴陵之上而不在尋陽與今之江州尤明矣朱蔡以洞庭湖當之辨證詳明從之可也謂江南凡水皆呼爲江禹時澧州之下巴陵之上自有九水今年代久遠陵谷變遷不可以今水證

古水而闕之亦可也

沱潛既道

傳

沱江別名潛水名

蔡

爾雅曰水自江出爲沱自漢出爲潛凡水之出於江漢者皆有

此名此則荊州江漢之出者也今按南郡枝江縣有沱水然其流入江而非出於江也華容縣有

夏水首出于江尾入于沔亦謂之沱若潛水則未有見也

大

王氏炎曰沱水在今江陵府枝江縣

土人謂枝江爲百里洲夾江沱二水之間其與江分處謂之上沱與江合處謂之下沱隋志南郡

松滋縣有沔沔卽古潛字故史記云沱沔既計今松滋分爲潛江縣矣

雲土夢作父

疏

地理志南郡華容縣南有雲夢澤杜預云南郡枝江縣西有雲夢城江夏安陸縣

亦有雲夢

蔡

雲夢方八九百里跨江南北華容枝江江夏安陸皆其地也

厥土惟塗泥厥田惟下中厥賦上下厥貢羽毛齒革惟金三品棫櫟柏檟砥磬丹雘籛櫛三邦

底貢厥名包匭菁茅厥篚玄纁璣組九江納錫大龜浮于江沱潛漢逾于洛至于南河

傳

逾越也

荊河惟豫州

傳

西南至荊山北距河水

伊洛瀍澗既入于河

傳

伊出陸渾山洛出上洛山澗出沔池山瀍出河南北山

疏

地理志云伊水

出弘農盧氏縣東熊耳山東北入洛洛水出弘農上洛縣冢領山東北至鞏縣入河澗水出河南穀城縣潛亭北東南入洛澗水出弘農新安縣東南入洛蔡傳伊水山海經曰熊耳之山伊水出焉東北至洛陽縣南北入于洛郭璞云熊耳在上洛縣南今商州上洛縣也地志言伊水出弘農盧氏之熊耳者非是伊澗澗水入于洛而洛水入于河此言伊洛澗澗入河若四水不相合而各入河者猶漢入江江入海而荊州言江漢朝宗于海意同蓋四水並流小大相敵故也

滎波既豬

傳

滎澤波水已成遏豬

蔡傳

滎波二水名濟水自今孟州溫縣入河潛行絕河南溢爲滎

在今鄆州滎澤縣西五里敖倉東南按今濟水但入河不復過河之南滎濟水受河水有石門謂之滎口石門也鄆康成謂滎今塞爲平地滎陽民猶謂其處爲滎澤酈道元曰禹塞淫水於滎陽下引河東南以通淮泗濟水分河東南流漢明帝使王景卽滎水故瀆東注浚儀謂之浚儀渠漢志謂滎陽縣有狼蕩渠首受濟者是也南曰狼蕩北曰浚儀其實一也波水周職方豫州其川滎雖其浸波濞爾雅云水自洛出爲波山海經曰婁涿之山波水出其陰北流注于穀二說不同未詳孰是孔氏以滎波爲一水者非也

導潯澤被孟豬

傳

潯澤在胡陵孟豬澤名在潯東北

厥土惟壤下土墳壚厥田惟中上厥賦錯上下厥貢漆枲絺紵厥篚織繒錫貢磬錯浮于洛達于河

華陽黑水惟梁州

傳

東據華山之南西距黑水

岷岷既藝沱潛既道

傳

岷山岷冢皆山名沱潛發源此州入荊州

疏

岷山在西徼外江水所出隴

西郡西岷冢山西漢水所出是二者皆山名沱出于江潛出于漢

傳

此江漢別流之在梁州者沱

水地志蜀郡郫縣江沱在東西入大江郫縣今成都府郫縣也又地志云蜀郡汶江縣江沱在西

南東入江汶江縣今永康軍導江縣也潛水地志云巴郡宕渠縣潛水西南入江宕渠今渠州流

江縣也酈道元謂宕渠縣有大穴潛水入焉通是山下西南潛出南入于江又地志漢中郡安陽

縣潛谷水出西南入漢潛音潛安陽縣今洋州真符縣也

大

臨川吳氏曰凡江漢支流皆名沱潛

蔡蒙旅平和夷底績

傳

蔡蒙二山名祭山曰旅

疏

地理志云蒙山在蜀郡青衣縣蔡山不知所在

蔡

祭山輿地記在今雅州嚴道縣蒙山地志蜀郡青衣縣今雅州名山縣也酈道元謂山上合下

開沫水逕其間溷崖水脉漂疾歷代爲患蜀郡太守李冰發卒鑿平溷崖則此二山在禹爲用功

多也和夷地名巖道以西有和川有夷道或其地也又按晁氏曰和夷二水名和水今雅州滎經縣北和川水自蠻界羅齒州東西來逕蒙山所謂青衣水而入岷江者也夷水出巴郡魚復縣東南過俱山縣南又東過夷道縣北東入于江今詳二說皆未可必但經言底績者三覃懷原隰既皆地名則此恐爲地名或地名因水亦不可知也大曾氏曰巖道有和川夷人居之

厥土青黎厥田惟下上厥賦下中三錯厥貢璆鐵銀鏤磬熊羆狐貉織皮西傾因桓是來浮于潛逾于沔傳西傾山名桓水是西傾山南行因桓水是來浮于潛漢上曰沔疏地理志云西傾在隴

西臨洮縣西南桓水出蜀郡蜀山西南行羌中入南海

入于渭亂于河傳絕流曰亂

黑水西河惟雍州傳西距黑水東據河龍門之河在冀州西

弱水既西涇屬渭汭疏地理志云涇水出安定涇陽縣西崤頭山東南至馮翊陽陵縣入渭行千

六百里蔡柳宗元曰西海之山有水焉散渙無力不能負芥投之則委靡墊沒及底而後止故名

曰弱既西者導之西流也地志云在張掖郡刪丹縣薛氏曰弱水出吐谷渾界窮石山自刪丹西

至合黎山與張掖縣河合又按通鑑魏太武擊柔然至粟水西行至菟園水分軍搜討又循弱水西行至涿邪山則弱水在菟園水之西涿邪山之東矣北史載太武至菟園水分軍搜討東至瀚海西接張掖水北渡燕然山與通鑑小異豈瀚海張掖水於弱水爲近乎程氏據西域傳以弱水爲在條支援引甚悉然長安西行一萬二千二百里又百餘日方至條支其去雍州如此之遠禹豈應窮荒而導其流也哉其說非是渭水地志出隴西郡首陽縣西南東至京兆船司空縣入河汭水地志作芮扶風汭縣弦蒲葢芮水出其西北東入涇屬連屬也涇水連屬渭汭二水也

漆沮既從澧水攸同

疏

地理志云漆水出扶風漆縣西關駟十三州志云漆水出漆縣西北岐山

東入渭沮則不知所出澧水出扶風鄠縣東南北過上林苑入渭也

蔡傳

漆水實字記自耀州同官

縣東北界來經華原縣合沮水沮水地志出北地郡直路縣東今坊州宜君縣西北境也實字記沮水自坊州昇平縣北子午嶺出俗號子午水下合榆谷慈馬等川遂爲沮水至耀州華原縣合漆水至同州朝邑縣東南入渭二水相敵故並言之既從者從於渭也又按地志謂漆水出扶風縣晁氏曰此關之漆也水經漆水出扶風杜陽縣程氏曰杜陽今岐山普潤縣之地亦漢漆縣之